


34



L A
GRANDE

CRVAVTE ET

Tyrannie.

Exercee en la ville d'Arras, ce 28. iour
de May, 1618. Par vn ieune Gen-
til-homme, & vne Damoiselle
Frere & Sœur, lesquels on com-
mis incesté.

*Ensemble ce qui s'est passé durant leur
impudiques amours.*



A PARIS,
Chez la vefue Iean du Carrois.

Iouxtela copie imprimée à Arras,
Par Guillaume de la Riuiere.

M. DC. XVIII.

Auec permission de ses Alt. sses de Brabant.

GRAND

THE

Case

F

39

326

16189

16189



A. P. R. 12

Charles ...

...

...

...

...



INSESTE ET ADULTAI-
re commis, entre vn ieune gen-
til-homme & d'une damoiselle
frere & sœur.

*Ensemble se qui c'est passé en leurs impudi-
ques Amours.*



Es historiens racô-
pte plusieurs strata-
gene, & plusieurs
histoires prodigi-
euzes dignes de
memoire, & digne
d'estre cognues d'un chacun, aussi
amy lecteur, ie vous presente vne
chose digne de memoire, vn petit
compendion ou abregé d'un inceste
commis en la veuë d'un chacun de-
dans la Cité d'Arras, en Arthois par

vn ieune gentil homme aagé de vingt cinq ans ou enuiron, lequel estoit de belle taille fort adroit de corps & de membre, tellement qu'il estoit admiré d'vn chacun, & mesmement d'vne partie de ceux qu'il deuoient cherir en tout honneur, vn iour estans dans sa chambre tout seul avec sa sœur deuissant de plusieurs choses, ceste ieune damoiselle fut rauie & seduite de l'ennemy infernal lequel se logea en sa fantasie, & luy fait commettre vn peché horrible & digne de punitiō ainsi cōme il se void par ce present discours.

Durant ce temps la ceste ieune damoiselle cherissoit & honnoroit son frere & luy donnoit beaucoup d'allechemens pour rascher a l'inciter a condecendre a vne partie de ces volonteiz tellement estant du tout rauie de sa beauté, elle se ha-

5
zarde de luy demander sa compa-
gnie, & le supplie luy obeyr luy di-
lant, ie vous supplie mon frere de
m'oster le mal qui me tourmente
incessamment, si vous aymez ma
vie vous me dōnerez iouyssance de
vostre corps, & prendrez à long
traits les delicatesses que de vrays
Amants ont apres vne grande fati-
gue que l'enfant de Cipris leur a dō-
née, considerez s'il vous plaist la
grande amitié que ie vous porte &
vous supplie de m'oster de l'agueur
& du mal que i'édure iournellemēt.

Comment cruelle oserois tu a-
voir le courage de vouloir entre-
prendre sur ton propre sang sur ta
propre geniture, sur ton frere char-
nel? sur celuy lequel a tourné dans
le costé de ta propre mere, as tu osé
de vouloir entreprendre de deman-
der la mort de ton frere, ne pou-
vois tu auoir de quoy contēter le feu

de ta paillardise, sans voulloir entreprendre vn tel acte & vn tel inceste. Mais en vain ces remonstrances font en l'air car elle continuoit tousiours ces demandes, & apprestant vn soir le soupper à ce ieune gentilhomme, elle luy donnoit du vin luy disant ie vous supplie mon frere qu'avec autant d'affection comme ie vous donne ce vin vous le prenez de ma main avec autant d'amitié comme ie vous le presente de ma part, ie vous supplie d'auoir cōpassion de moy.

Lors le ieune homme estant espris d'amour la baisa luy disant que dira le peuple scachant cela, mais la dicte Damoiselle luy fist responce il luy a bien moyen que nous ayons iouyssance, sans que personne en entende parler, lors se delibera & coucha avec elle ceste nuit là. Si le sexe feminin est bon de seduire

& estre fragile a gagner le cœur des
hommes, la nature par ses moyens
& artifices pour se venger de ceux
qui trompent & pipent l'honneur
car durant ce temps la, elle entre-
tenoit ce pauvre gentilhomme touf-
jours sous l'esperoir, mais bien voicy
d'autres affaires, car ayant eu le cō-
tentemēt qu'elle desiroit, & en ayant
esté repeue elle demeura enseincte
ce que voyant ce ieune homme de-
peur d'estre surpris de la main de
Iustice, luy commença a remon-
strer luy disant, vous sçavez ce qui
c'est passé entre nous deux, c'est
pourquoy ie vous supplie de vous
tenir close dans vne chambre & ne
hanter personne de peur que nous
ne desonorions nostre maison, &
vous supplie de vous bien gouver-
ner en vostre enfantement: & pour
mon particulier ie m'enuois faire
vn voyage au chans cependant que

8
vous accoucherez: puis d'un commun accord s'embrassent, & prennent conge l'un de l'autre, incontinent monte à cheual avec son homme, & commence à prendre son chemin droit à vne sienne mettrairie à quatre ou cinq lieuës de la Ville, & demeura là iusques à ce que la dicte Damoiselle eust accouché & faisoit priere à Dieu de luy pardonner ses fautes & pechez.

Mais hélas! ceste Damoiselle comença a regretter son meschant mal faict & comença a plorer & & gemir & s'arrachant les cheueux, disoit commec falloit-il apres auoir conuoité ensemble, que tu me délaisse à l'heure, que i'ay besoing d'aide, & ce desesperans appelloit le diable à son secours: au lieu de se convertir, & demander pardon à Dieu: incontinent l'ennemy de nos ames commence à la seduire, luy conseil-

lant

lant de perir son enfant, ce quelle fit
comme vous entendres si apres.

Lors ceste Damoiselle se sentant
proche de son trauail, elle se declare
a vne bonne femme, laquelle con-
noissoit beaucoup en matrosne, luy
disant ma bonne amie ie vous veux
declarer quelque chose à particulier
c'est que i'aymois vn ieune Gentil-
homme, qui m'a promis la Foy de
Mariage, & me suis abandonnee a
luy: qui est la cause que ie vous man-
de, parce que ie suis encceinte de son
faict, ie seroit bien marrie que mon
frere le sceut, ie vous prie le cacher
& me seruir d'amie à ce subiect, (ce
que ladicte femme luy promet a-
lors, elle donne de l'argent à ceste
femme, pour auoir la commodité
propre pour ses affaires) Au bout
de deux ou troisiours apres elle ac-
coucha d'un beau Fils, lequel fut
fort bien penceé & allaité durant la

couche tellemēt que ladite Damoiselle auoit accouché, sans aucun scandalle mais incontinent apres elle tomba en vn grand des-honneur.

Estant releuee de sa couche sans aller à l'Eglise, elle pren son enfant, & s'achemine elle seule au droit chemin de la metairie, pour aller trouuer son frere, lequel entendant sa venue, monte à cheual & s'en reuiēt chez luy en la ville, & donna charge à son fermier de l'arrester elle & son enfant, & que l'on luy porta l'honneur qui luy appartenoit, pensant cacher leur mefait & recouurer l'honneur, de luy dire qu'il alloit à Paris pour six mois: on commanda a son fermier de la maison comme i'ai par si deuant dict: mais ceste cruelle trouuant la maison desnuee de celuy quelle desiroit auoir à sa couche: Ceste nuit apres son arriuee, & se trouuant frustree de son atteinte,

prend son enfant & s'en va dans vne forest proche de la maison, & estant desesperee couppa la gorge de son enfant, sans auoir aucune compassion de son sang. O cruelle enragée, O tygresse ennemie de Dieu, & amye de Sathan, a tu eu le courage d'estre la mere, & la meurtriere de ton sang, & la geniture de ton enfant, & de ton nepucux, ne ceois tu pas que Dieu ne soit le iuste vengeur de ton forfait, tu le peux croire & t'asseurer que Dieu te regarde, & considere le mal, & le bien que tu fais.

Lors ceste Megere, seconde Polimena ayant esgorgé son enfant, luy coupe puis la teste, puis la met dans vne besace pour la presenter vn iour à celuy qui l'auoit forgee, & s'enquesta partant ou il estoit, & fit si bien par ces belles parolles, qu'elle sceut d'un lacquais où residoit son

frere, & le scachant elle s'achemine
 en la ville, & le va trouuer dans sa
 chambre, qui lisoit dans vn liure, &
 la voyant il se leue & la saluë, luy de-
 mandant quel enfant Dieu lui auoit
 donné (encore qu'il le scauoit bien)
 lors incontinent elle luy commença
 a dire, ie te veux monstrier le pour-
 trait, lors prend la teste de ce pau-
 ure innocent, & luy met en la main,
 luy disant, voila la cause de ton de-
 partement de ton logis, ce que vo-
 yant le ieune Gentil-homme ne mā-
 qua avec reproche a luy dire.

Ah! miserable que maudite soit
 l'heure & le iour de nostre naissan-
 ce, il faut il faut sans aucune faute,
 que nous perdions la vie, & qu'un
 chacun sçache nostre forfait, & que
 la iustice cognoisse mon innocen-
 ce: & toy miserable & execrable en-
 fantement: Mais en vain, ses paroles
 reüssirent incontinent apres, elle s'a-

proche luy disant qu'elle luy vou-
loit dire vn mot, lors s'approchant
elle tira vn cousteau qu'elle portoit
penduë a sa seincture, & luy en don-
na plusieurs coups iusqu'à tant qu'il
tomba mort par terre, elle voyant
son frere qui estoit mort, print le
cousteau & s'en donna deux coups,
tellement que tous deux morurent
en vne mesme heure dans la Cham-
bre, sans que personne y sceussent
mettre remede, sinon que Dieu qui
les voyoit.

Considerez Chrestiens en ce der-
nier Cicle ou nous sommes, quelle
chose nous voyons, en ceste hystoire
prodigieuse: nous voyons tous les
iours, nous nous deuons recom-
mander à Dieu, soir & matin, le sup-
pliant de nous faire la Grace, de
nous garder de telles forfaitures,

& portons luy honneur & reueren-
 ce, a celle fin qu'en nos derniers
 iours, il nous donne ce qu'il nous a
 acquis par son Precieux Sang,
 Ainsi soit-il.

F I N.

